

OREGON OFESIN MEINAPEN ENNUK  
OREGON MEINAPEN TUMWUN, KINIKININ PUBLIC HEALTH  
TETENNIN 333

**KINIKININ 19**

**CHOSA ME KEUKUN SEMWEN: MENAPEN EPOCHOKUNEN AMOKUT ME  
FOFOR**

**333-019-1010**

**COVID-19 Oppwosun Eppet ren Chong Angangen Tumwun mi semwen me ar Nenien  
Angangen Healthcare**

(1) Mi namwot me non ach ei state pwe chon tumwun mi semwen me nour chon angang repwe angei ewe oppwosun eppetin COVID-19. COVID-19 mi soun sissiwini mwokutukutun me pochokkunan, ina ren an a feffetan me wakkateno, a memmecheresino an epwe urii aramas, a pwan kon pochokkun ngeniir ei samwau. Seni ewe fansoun ewe ennuK a ketiw, ewe sokkun COVID itan Delta a checheno, a watte seni 98 persen me nein ekkewe mi samwau non Oregon. Efeiengawen ewe sokkun COVID itan Delta, a napeno won fan ruu ika fan unungat, nap seni ewe akkomwan, ne minafeon ewe COVID-19. A wor pisekin pwarata pun aramas mi samwau seni ei Delta, ika mwo ir mi angei ika rese angei ewe oppwosun eppetin. Mi chok nenne fengen keukun menun ei samwau non inisir, ir mei pwan tongeni esemwenii chon nonom rer. Ach angei ewe oppwosun eppet mi auchea ren keukun feffetanin ei samwau Delta. Chon tumwun mi semwen me nour chon angang mi sapengeni chommongun nour chon niiwing non chok ew ran ika ew week, ussun chon angangen tumwun aramas re semweninong non imw. Pokiten ir mi nonnomw non ar semwen, ina minne mi emecheresii, me nukun ekkkan ese wor terir, an epwe napeno osukosuken semwenin ei COVID-19. Ekkei minafeon COVID-19 ra ter me nein aramas rese angei ewe oppwosun eppet non ach ei state, ina ren a pochokkununo iwe a esemwenii ekkkan ir mi unus ar oppwosun eppet. Ei ennuK mi auchea ren an epwe aninnis ren koukun COVID-19, tumwunun chon niiwing pioing, me tumwunun nouch chon angang ngeni mi semwen.

(2) Auchean ei ennuK, iei sipwe aweweochoo:

(a) "Chon Awora" wewen pwe emon aramas mi awora noun chon sinei tumwunun mi semwen, ar repwe angang non ekkkan nenien tumwun mi semwen non Oregon.

(b) "COVID-19" wewen pwe ew samwau mi fisita seni ewe pwan ew samwau itan coronavirus 2 (SARS-CoV-2).

(c) "Aramas mei unus ar oppwosun eppet" wewen emon a fen angei me ruu ekkewe oppwosun eppetin COVID-19 ika ewe mi awora efoch chok oppwos ren eppetin COVID-19 nge a nuuseni 14 ran seni saingonon ar ewe angei ewe oppwosun eppetin COVID-19.

(d) "Chon tumwun mi semwen me nour chon angang":

(A) Wewen ekkkan aramas, mi kame ika rese kame, ar angang, kaeo, sukuun, anisi, kakaton ika aninnis non ew nenien tumwun semwen, mi awora fansoun ar repwe kanengeni chon semwen, chon kampo, ika pisek mi wor paikiingin samwau, mi pachenong kangof me tokter mi wor nour naisen seni chon awora meren ORS 676.160, chon tumwun ese wor nour naisen, chon eponuwa

tengwa me isoisino taropwe, angangen mwongo, chon enimenim nukun me non, chon sopw pisek, soun mas, chon tumwun imwen pioing, chon non ofes, chon sukuun me chon aninnis.

(B) Ese pachenong iin me saam, aramasar, chon tumwunuur re nonom non imwar me awora tumwunun nour ika noun emon e nonom rer non imwar.

(e) "Nenien angangen tumwun mi semwen":

(A) Wewen ew sokkun angangen tumwunun mi semwen, mi pachenong ren tumwunun mi semwenin inis ika semwenin nonomwun, non ew neni mi wor nour naisen seni ewe ORS 441 me 443, usun ren pioing, ren nenien reirei, nenien anounou fefin, nenien tumwunun mi watte ar semwen, ekkewe nenien tumwunun mi apwangapwang, nenien tumwunun ekkewe ra tou seni drugs, nenien tumwunun ekkan repwene sopono, nenien kangof, nenien tumwunun chinnap, nenien tumwunun mi wor semwenin non mokurar, nenien tumwunun mi semwen non imw, toraku ika nenien atoura aninis ngeni mei semwen non mochomochen fansoun (awewe, ekkewe sein safeini aramas, sein pioing), me nenien anisi chon eto safei, awewe ren nenien dialysis, ofesin tokter, ofesin semwenin mokur, nenien tumwunun mei semwen weweita, ofesin aninnis, ofesin ekkoch sokkun anen safei usun ren angangen acupuncture, pekin fefferun safei seni fetach, pekin safei ren rewa, pekin safen nechuu me pwan ekkoch nenien safen sokkun samwau.

(B) Ese pachenong ekkan neni mi mak fan ena mesen (A) non ei tetten minne ka mi apasa pwe e nom fan nemenemen kafomon non ei ennuke seni ORS 174.111.

(C) Ese pachenong imwen emon ika pwe ese wor naisenin en imw, ese rechister pwe ew neni ussun ekkan mi tetten fan ena mesen (A) non ei kinikin.

(f) "Ennukun samwau" wewen pwe ika mi wor och sokkun terin en aramas nge e ngawengeniir ena oppwosun eppetin COVID-19, iwe rese tongeni angei.

(g) "Ennukun namanam" wewen pwe ika mi ennuke seni aramas non ar namanam ar repwe angei en oppwosun eppetin COVID-19, iwe rese tongeni angei.

(h) "Pisekin pwarata ren opposun eppet" wewen pwe taropwe seni einang, kafomonun merika ika kafomonun state, ika seni tokter, mi wor iten en aramas won, inet upwutiwan, met sokkun oppwsun eppetin COVID-19 e angei, inet e angei, anongonongun won ika e angei ewe mu ruofoch ika efoch chok, pwan mak iten me nenien ia e angei ena oppwosun eppet. Ekkei pisek, mi pachenong taropwen opposin eppetin COVID-19 ren kapiin ena taropwe ika sasingin ena taropwe, ika echo kapiin mi rechister non ewe Oregon Health Authority.

(i) "Chon nemenem" wewen nge emon ika fitemon aramas mi wor ar nemenem won met angangen nour chon angang ngeni aramas mi semwen non ar nenien tumwun.

(3) Mwirin Oktober 18, 2021:

(a) Emon chon tumwun mi semwen ika nour chon angang ese tongeni angang, kaeo, sukuun, anisi, kakaton, ika aninnis non ew nenien tumwun mi semwen ika ese unus ar oppwosun eppet ika awora taropwen pwarata ennuke samwau ika ennuke namanam.

(b) Chon awora angang ngeni chon pekin tumwun mi semwen, chon awora, ika chon nemenem rese tongeni atononga chon angangen tumwun ika aninnis ngeni mi semwen ika nour kaan chon angang ngeni mi semwen. Ese mwuumwuuta ar repwe angang, kaeo, sukuun, anisi, kakaton, ika aninnis non ar nenien tumwun mi semwen ika pwe rese angei ewe oppwosun eppetin COVID-19 ika awora taropwen pwarata wewen me popun ar rese tongeni angei, ren ennuke samwau ika namanam.

(4) Won ika me mwen Oktoper 18, 2021, chon angang non nenien tumwun mi semwen repwe chok awora ngeni chon etiwa, chon awora me chon nemenem:

(a) Pisekin pwarata pwe mi unnus ar oppwosun eppet; ika

(b) Taropwen pwarata ren ennukun samwau ika ennukun namanam.

(A) Ena ennukun samwau epwe awora echo taropwe meren tokter, esap pwisin seni ena mi ennuk ren samwau, nge echo taropwe seni en Oregon Health Authority, an epwe pwarata ennetin porousen an emon tufichingaw ren inis ika tufichingaw non ekiek fengen me wewen an ngaw ngeni an epwe angei ewe oppwosun eppetin COVID-19, epwe pwan mak ika epwe chikar seni an tufichingawen inis ika tufichingawen ekiek ika a ina chok.

(B) En ennukun namanam epwe awora echo taropwe, pwan seni en Oregon Health Authority, en aramas epwe sainei, a makkei pwe re tingor ar repwe ennuku seniir ewe oppwosun COVID-19 pwe ren ar ennetin nukunuk non ar pekin namanam, pwan wewen me popwun mi ngaw an epwe angei ewe oppwos, ren ar rese nenengeni pwe ferien ika mochenien nour chon nemenem.

(5) Chon atononga chon angangen tumwun mi semwen, chon awora, me chon nemenem won, ika re etiwa ekkei ennukun samwau me namanam non ar weweiti non ena kinikinin (4) repwe tumwuneochuu me aninniseoch ngeni nour chon angang rese angei ewe oppwosun eppet, repwe awora ar pisekin eppetin ei samwau COVID-19.

(6) Won ika me mwen Oktoper 18, 2021, meinis chon awora angang ngeni chon tumwun mi semwen ika nour chon angang, chon awora me chon nemenem, epwe wor nour taropwen pwarata pwe iir meinis mi eponuweta ei ennuk fan kinikinin (4).

(7) Ei ennuk esap minen an epwe eppet chon awora angang ngeni chon tumwun mi semwen ika nour chon angang, chon awora me chon nemenem seni:

(a) Ar repwe tipeew ngeni ewe ennuk ren Americans with Disabilities Act me Title VII ren ewe Civil Rights Act, me ennukun state mi nene ngeni, ren aramas rese tongeni angei ewe oppwosun eppet ren ar ennukun samwau me ennukun namanam.

(b) Sopweno ne awora tichikin ennuk, mi pachenong tichikin an chon tumwun ni semwen me nour chon angang ar repwe awora nour taropwen sopusopwun opposun eppetin COVID-19 ika mi mwuumwuuta meren ewe U.S. Centers for Disease Control and Prevention, ika nenien koukun me eppetin fefetanin semwen.

(c) Esinesin ngeniir ei ennuk me mwen ewe ranin etiwa.

(8) Ewe taropwen oppwosun eppet me taopwen ennukun semwen me ennukun namanam ach weweiti non kinikinin ennuk (4) epwe:

(a) Ponuweta non an fiti ika tipeew ngeni ennukun merika me ennukun state;

(b) Ponuweta non ukukun ruu ier feita; pwan

(c) Awora ngeni ewe Oregon Health Authority ika re mochen.

(9) Chon awora angang ngeni chon tumwun mi semwen me nour chon angang, chon awora me chon nemenem Ika re atai ew kinikinin ei ennuk, repwe awora niwinin ar tipis non ukukun \$500 ew ran iteiten ar tipis.

**Ennuk/Chon Ettipis:** ORS 413.042, ORS 431A.010, ORS 431.110 & ORS 433.004

**Ennuk/Atun Etiwa:** ORS 431A.010, ORS 431.110 & ORS 433.004